



REFERAT - STYREMØTE

Stad:	Fjell rådhus, komitesalen
Dato:	15. september 2014
Tid:	11:30 – 13:30
Desse møtte:	Eli Årdal Berland (ordfører i Fjell), Otto Harkestad (ordfører i Øygarden), Kari Anne Landro (ordfører i Sund), Roald Steinseide (varaordfører i Askøy) Steinar Nesse (Rådmann i Fjell), Siri Fahlvik Pettersen (rådmann i Øygarden), Stig Arne Thune (rådmann i Sund) Informasjonsrådgjevar Vigleik Brekke og møtesekretær/dagleg leiar Grethe Bergsvik
Forfall:	Rådmann i Askøy Odd Magne Utkilen, Ordfører i Askøy Siv Høgthun
Andre:	Desse hadde orienteringar: <ul style="list-style-type: none">• Marta Rongved Dixon og Line Steinsland• Anita Alvheim• Marta Svarstad Valseth og Tonje Fluge

15/14	Referat frå møtet 19.05.14 Innkalling, sakliste og referat vart godkjent.
16/14	Orienteringar Framtidig organisering av reiselivet i Hordaland v/Marta Rongved Dixon (HFK) Marta Rongved Dixon kom kort inn på kva som var bakgrunnen for arbeid med ny organisering av reiselivet – både nasjonalt og særleg om prosessen i Hordaland. Hordaland har i dag 5 destinasjonsselskap, desse har arbeidd godt kvar for seg, men for å kunne effektivisera og utnytta tilgjengelege ressursar er det framtidiretta å sjå på ei omstrukturering. Det er utarbeidd ein rapport (fase ein) som tek for seg no-situasjon for næringa og tilrådingar til korleis reiselivsorganisasjonane kan arbeida vidare. Fase to er å involvera aktørane sjølve. Hordaland fylkeskommune vil vera interessert i at det vert meir samarbeid mellom aktørane og ser spesielt behov for å styrka kystområda som i dag fell utanfor den sterke merkevara <i>Fjordane</i> . Vidare er det samtidig viktig å framleis halda sterkt fokus på dei eksisterande merkevarene Bergen, Hardanger og Voss. Kystområda har stort potensiale, både nasjonalt og internasjonalt og framlegg til merkenamn er <i>BergensKysten</i> . No startar arbeidet med å ta stilling til framlegget og gjera eventuelle endringar.

	<p>For vår region skjer dette arbeidet gjennom Kysteventyret /Gode Sirklar som i sitt styremøte 1. oktober drøftar vidare arbeid med reiselivssatsinga. Gode Sirklar utarbeider eit felles saksframlegg som skal behandlast i kommunane.</p> <p>Målet med ny organisering vert å ha kunden i fokus, jobba meir effektivt, auka omsetnad og lønsemd.</p> <p>Frisklivs- og meistringssenteret v/Anita Alvheim</p> <p>Frisklivs- og meistringssenteret (FMS) skal vere kommunane sin ressurs i opplæring av innbyggjarar med kronisk sjukdom. Målet er at brukarane får innsikt i eigen helsetilstand og livsstil slik at det påverkar diagnose og helsetilstand positivt i form av betre helse, betre meistring av eige liv og færre sjukehusinnleggingar og polikliniske konsultasjonar.</p> <p>Dette prosjektet, som er tidfesta frå 2013 til 2015, er eit prosjekt mange ser til, regionen ligg langt framme og måten å arbeida på er etterspurt.</p> <p>FMS skil seg frå frisklivssentralane ved at det rettar arbeidet sitt direkte mot kronikarar som deltar etter tilvisning frå lege.</p> <p>Alle aktivitetane foregår i og rundt Sotra Arena og er eit interkommunalt prosjekt for alle 4 regionråds kommunane og arbeider saman med frisklivssentralane i Sund, Øygarden og Askøy.</p> <p>Prosjektet rettar seg i første omgang til personar med somatiske lidningar (hjerte/kar, diabetes og KOLS), men det vert arbeidd med at personar med psykiske lidningar og kan vere ein del av prosjektet.</p> <p>Tilbodet har til no vore for lite kjent ute i kommunane. Prosjektleiar jobbar med marknadsføring og kjem gjerne ut i kommunane og informerer.</p> <p>Prosjektet «Trygge kvinner i ei moderne barselomsorg» v/Marta Svarstad Valseth og Tonje Fluge</p> <p>Gjennom prosjektet «Trygge kvinner i ei moderne barselomsorg» ønskjer kommunane Fjell, Sund og Øygarden, i samarbeid med Kvinneklinikken på Haukeland universitetssjukehus, å prøva ut ein ny og framtidsretta modell for barselomsorg. Tilbodet inneber eit interkommunalt samarbeid om jordmortenesta med oppfølging i barseltida. Kvinner med barn der det etter fødsel ikkje er behov for spesiell oppfølging i sjukehus, kan få tilbringa barseltida heime. Der vil dei få tett og individuelt tilpassa oppfølging og rettleiing av kjent og lokal jordmorteneste.</p> <p>Prosjektet byggjer på dei gode erfaringane som er hausta gjennom «JordmorHeim i Fjell» i dag og søker mellom anna å utvida dette tilbodet til også å vera tilgjengeleg for brukarane på kveldstid og på laurdagar.</p> <p>Tenesta vil etablera samarbeid mot Askøy og deltar i eit del-prosjekt som tek sikte på å oppretta JordmorHeim ordning også der.</p>
17/14	<p>Status - søknader vedkommande Fylkesmannen sine skjønsmidlar</p> <p>Regionrådet Vest fekk uttelling på 6 av 12 søknader på utlyste skjønsmidlar. Totalt fekk regionen kr 3.205.000,-. Fem av prosjekta er interkommunale, medan eit er lokalisert på Askøy.</p>
18/14	<p>Drøfting – Organisering av prosjektet <i>Kompetanseheving for politisk og administrativ leiing – kommunereform</i></p>

	<p>Stig-Arne Thune og Siri Fahlvik Pettersen presenterte <u>framlegg</u> til organisering av prosjektet utarbeidd i rådmannsmøte.</p> <p>Styret drøfta framlegget. Kommunane er komme ulikt i arbeidet med kommunestruktur, men alle slutta seg til rådmenna sitt framlegg om å bruka delar av kompetansehevingsmidlane på Tinget i Vest.</p> <p>Tinget i Vest, 27 oktober, får kommunestruktur som einaste tema. Målsetjinga er å auka kompetansen til politisk (formannskapa) og administrativ leiing ved å gje likelydane informasjon til alle fire kommunane samtidig.</p> <p>I etterkant av Tinget i Vest vil rådmenna arbeida fram ein plan for vidare bruk av kompetansehevingsmidlane. Planen tek ein tek sikte på å leggja fram for styremøtet i Regionrådet Vest i desember til godkjenning.</p> <p>Kvar kommune har for tida kommunestruktur på politisk dagsorden.</p> <p>Det kjem fram signal om at ein ikkje ønskjer å forhasta seg i arbeidet, men venta på viktige signal som kjem frå sentralt hald, særleg når det gjeld oppgåvefordeling mellom dei tre forvaltningsnivåa.</p> <p>Slik det ser ut no kan to parallelle prosessar setjast i gong:</p> <ul style="list-style-type: none"> • Ein felles som går på å skaffa alle aktuelle aktørar i prosessen meir kunnskap • Ein som går på saksutgreiing i kvar kommune (utgreiingsplikt).
19/14	<p>Ymse</p> <p>Det var ingen saker til Ymse-posten.</p>